



Broj: 01-139/20
Vareš, 29.10. 2020. godine

Z A P I S N I K
sa 39. sjednice Općinskog vijeća Vareš,
održane 30.09. 2020. godine

Predsjedavajući OV pozdravio je sve prisutne.

Izvršena je prozivka vijećnika.

Prisutni vijećnici: Mirnes Ajanović, Adis Čizmo, Dženan Džafo, Ilhana Fatić Nermin Hrvat, Emir Islamović, Kenan Kamenjaš, Demo Kevrić, Lidiya Miletović Berberović, Mario Mirčić, Safeta Muftić, Anel Muftić, Nedžad Mušanović, Kruno Ridić, Branko Romić, Elvir Rožajac, Igor Šimić, Nikola Šimić i Fadila Turki.

Odsutni: Nema.

Adis Čizmo – predsjedavajući Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajući OV otvorio je 39. sjednicu s početkom u 15,00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, ispred Službe za prostorno uređenje – gosp. Snježana Kokor i predstavnici medija.

Sekretar OV Leon Pavlović izvijestio je Vijeće o odgovorima na postavljena vijećnička pitanja sa 38. sjednice OV održane 30.07.2020. godine i realizaciji Zaključaka. Na 38. sjednici donesena su dva (2) Zaključka koji su u toku realizacije. Postavljeno je šest (6) vijećničkih pitanja. Na sva pitanja usmeno je odgovorio Općinski načelnik na samoj sjednici, isti odgovori su dostavljeni i pismeno podnosiocima vijećničkih pitanja.

Općinski načelnik Zdravko Marošević za današnju sjednicu u svom obraćanju o aktualnim pitanjima izvijestio je prisutne o aktivnostima u proteklom periodu. Pandemija koronavirusa COVID-19 još traje, ali po informacijama iz JU Dom zdravlja Vareš naša općina je još uvijek dobroj situaciji. U vezi minskih polja na našoj općini izvijestio je Vijeće da je prvi projekat (preko 1.600.000 m²) završen. Do kraja godine očekuje se da se i drugi dio projekta završi. O istom je dao pojašnjenje. Na kraju svog obraćanja poželio je sreću pojedincima i političkim strankama u predstojećem izbornom periodu.

(Vijećnička pitanja)

Elvir Rožajac

1. Da li postoji mogućnost osvjetljenja platoa pijace? Znamo da u večernjim satima plato pijace postaje šetalište za naše sugrađane i s obzirom da je nedavno i opljačkana trgovačka radnja na pomenutom djelu Vareša, sigurno bi pomoglo i u sigurnosti objekata koji se nalaze na platou pijace.
2. Svi smo svjedoci brze vožnje naše omladine po gradu, koja se najviše ističe u kasne sate. S obzirom na to, da li postoji mogućnost postavljanja mobilnog radara na dijelu od Općine do JU Dom zdravlja. (dao je pojašnjenje)

Kruno Ridić

3. Gospodine načelnice, prije nepune 4 godine krenuli smo u obnovu objekta, nekadašnji hotel pa onda Policijska stanica. Radi se veoma lijepom objektu koji bi se trebao renovirati i urediti. Dogovorili smo sa majstorom izgradnju 15 prozora i vrata. Majstor je uradio što smo tražili od njega. Obzirom da se radi o solidnoj sumi novca, možemo li i kada ćemo uplatiti sredstva gospodinu i ugraditi prozore i vrata kako bi taj objekat doveli svrsi?
4. Moje pitanje je vezano za program rekonstrukcije izgradnje i obnove lokalnih cesta. Tim programom mi smo za 2020. godinu predvidjeli 6 dionica, ukupne dužine približno 5 km. Za načelnika pitanje, obzirom da je vlada R Hrvatske obezbijedila trećinu sredstava, možete li nas obradovati asfaltiranjem barem jedne od ovih dionica?

Nedžad Mušanović

5. Da su načelnik i općinske službe upoznati sa poskupljenjem mjesečnih đačkih karata? Ako jeste, zamolio bih načelnika da nam da informacije koje posjeduje.
6. Da li načelnik i općinske službe imaju neku novu informaciju vezanu za dio regionalnog puta ispred tunela, koji je potrebno sanirati?

Mirnes Ajanović

7. Došlo je do poskupljenja karti prijevoza kada su u pitanju đaci. Pošto znamo da Općina participira u cijeni prijevoza, svjesni smo situacije vezano za stanje finansija organa uprave, možda je i prilika da načelnik nešto više kaže na ovu temu.

Safeta Muftić

8. Na osnovu saznanja koja imam, Vlada Zeničko-dobojskog Kantona je donijela Odluku da se cijena koncesione naknade na novo istraživanje smanji za 10 puta u odnosu na cijenu koja je bila važeća u vrijeme davanja saglasnosti za proširenje koncesije za istraživanja i eksploataciju na području od Borovice do Brezika. Pitanje za načelnika i općinske službe, da li su upoznati sa ovom Odlukom i da li je data načelna saglasnost za izmjenu iz organa uprave?

Općinski načelnik dao je usmene odgovore na postavljena vijećnička pitanja na samoj sjednici.

Zamjenik predsjedavajućeg preuzeo je vođenje sjednice.

Zamjenik predsjedavajućeg OV stavio je na raspravu Zapisnik sa 38. sjednice OV.

Nije bilo primjedbi i zamjenik predsjedavajućeg OV stavio je na izjašnjavanje Zapisnik sa 38. sjednice OV i nakon izjašnjavanja vijećnika konstatuje da je **jednoglasno sa (18 glasova „ZA“)** (odsutan vijećnik Adis Čizmo) **usvojen Zapisnik sa 38. sjednice OV.**

Predsjedavajući OV nastavio je vođenje sjednice.

Predsjedavajući OV stavio je na raspravu prijedlog dnevnog reda za 39. sjednicu OV koji je usaglašen na Kolegiju Općinskog vijeća.

Nije bilo rasprave i predsjedavajući OV stavio je na izjašnjavanje prijedlog dnevnog reda za 39. sjednicu OV.

Nakon izjašnjavanja vijećnika predsjedavajući OV konstatuje da je **jednoglasno (sa 19 glasova „ZA“)** **usvojen sljedeći**

Dnevni red

1. Prijedlog Odluke o izmjeni Odluke o raspodjeli sredstava za političke stranke u Općinskom vijeću Vareš iz budžeta Općine Vareš za 2020. godinu.
Izvjestilac: Općinski načelnik.
2. Prijedlog Zaključka o davanju saglasnosti na Odluku o izmjeni Statuta JU Dom zdravlja Vareš (prečišćeni tekst) broj: 19-02-1694/20 od 10.08.2020. godine.
Izvjestilac: Općinski načelnik.
3. Prijedlog Programa finansiranja komunalnih djelatnosti za 2021. godinu.
Izvjestilac: Ermin Musa.
4. Izvještaj/Izvešće o realizaciji Programa rada Općinskog vijeća Vareš za prvo polugodište 2020. godine.
Izvjestilac: Sekretar OV
5. Informacija o provođenju Strategije razvoja i unapređenja socijalne zaštite na području općine Vareš za period 2019-2024. godina, za 2019. godinu.
Izvjestilac: Čedomir Jelić.

6. Informacija o stipendiranju i stipendistima općine Vareš u 2019/2020. godini.
Izvjestilac: Čedomir Jelić.
7. Tekuća pitanja.

Ad. 1.

(Prijedlog Odluke o izmjeni Odluke o raspodjeli sredstava za političke stranke u Općinskom vijeću Vareš iz budžeta Općine Vareš za 2020. godinu.)

Predlagač nije imao dodatno pojašnjenje.

Nije bilo rasprave i predsjedavajući OV stavio je na izjašnjavanje Prijedlog Odluke o izmjeni Odluke o raspodjeli sredstava za političke stranke u Općinskom vijeću Vareš iz budžeta Općine Vareš za 2020. godinu.

Nakon izjašnjavanja vijećnika predsjedavajući OV konstatuje da je **jednoglasno (sa 19 glasova „ZA“)** usvojena

Odluka o izmjeni Odluke o raspodjeli sredstava za političke stranke u Općinskom vijeću Vareš iz budžeta Općine Vareš za 2020. godinu.

Ad. 2.

(Prijedlog Zaključka o davanju saglasnosti na Odluku o izmjeni Statuta JU Dom zdravlja Vareš (prečišćeni tekst) broj: 19-02-1694/20 od 10.08.2020. godine.)

Predsjedavajući OV dao je dodatno pojašnjenje za ovu tačku dnevnog reda.

U raspravi je učestvovala vijećnica Safeta Muftić (sugerisala je da se ubuduće uz akte o prijedlozima za izmjene ili dopune dostavlja i temeljni akt) i predsjedavajući OV Adis Čizmo.

Zaključena je rasprava i predsjedavajući OV stavio je na izjašnjavanje Prijedlog Zaključka o davanju saglasnosti na Odluku o izmjeni Statuta JU Dom zdravlja Vareš (prečišćeni tekst) broj: 19-02-1694/20 od 10.08.2020. godine.

Nakon izjašnjavanja vijećnika predsjedavajući OV konstatuje da je **jednoglasno (sa 19 glasova „ZA“)** usvojen

Zaključak o davanju saglasnosti na Odluku o izmjeni Statuta JU Dom zdravlja Vareš (prečišćeni tekst) broj: 19-02-1694/20 od 10.08.2020. godine.

Ad.3.

(Prijedlog Programa finansiranja komunalnih djelatnosti za 2021. godinu.)

Ispred predlagača Snježana Kokor upoznala je Vijeće sa dopunom Programa na str. broj 9. u dijelu gdje je navedeno finansiranje (iza stav 3. dodaje se stav 4. koji glasi: „ **Na osnovu Zakona o komunalnim djelatnostima (Službene novine Zeničko-dobojskog kantona“ broj: 17/08) i člana 18. stav 2. Zakona o javnim nabavkama („Službeni glasnik BiH“ broj. 39/14), Općinski načelnik će donijeti Odluku o izuzeću primjene Zakona o javnim nabavkama.**“

Otvorena je rasprava u kojoj su svoje sugestije, mišljenja i pitanja iznijeli vijećnici: Kruno Ridić, Elvir Rožajac, Đemo Kevrić (*predložio je da se izvidi mogućnost sa izvođačima radova na zimskom održavanju, da se prilikom zimskog održavanja pojedinih lokalnih puteva I prioriteta istovremeno održavaju i putevi II prioriteta, o istom je dao pojašnjenje*) i Emir Islamović.

Općinski načelnik u svom obraćanju dao je odgovore na postavljena pitanja vijećnika u raspravi vezano za zimsko održavanje puteva, zelenih površina, stepeništa, potrebnih sredstava za održavanje i sl.

Zaključena je rasprava i predsjedavajući OV stavio je na izjašnjavanje Prijedlog Programa finansiranja komunalnih djelatnosti za 2021. godinu uz dopunu predloženu od strane predlagača.

Nakon izjašnjavanja vijećnika predsjedavajući OV konstatuje da je **jednoglasno (sa 19 glasova „ZA“) usvojen**

Program finansiranja komunalnih djelatnosti za 2021. godinu.

Ad.4.

*(Izveštaj/Izvešće o realizaciji Programa rada
Općinskog vijeća Vareš za prvo polugodište 2020. godine.)*

Otvorena je rasprava u kojoj su učestvovali vijećnici: Safeta Muftić (*traži od predlagača da za sljedeću sjednicu OV, Vijeću se dostave na razmatranje i izjašnjavanje nerealizovane cjeline kako bi se realizovalo planirano*), Kruno Ridić (*traži od nadležnih službi da dostave obrazloženje o razlozima zašto određene tematske cjeline nisu dostavljene kako je to planirano po Programu rada OV*) i Đemo Kevrić (*u narednom periodu da se navedu nositelji izrade (službe) nerealizovanih cjelina*).

Zaključena je rasprava i predsjedavajući OV stavio je na izjašnjavanje Izveštaj/Izvešće o realizaciji Programa rada Općinskog vijeća Vareš za prvo polugodište 2020. godine uz

Zaključak

- **da se za narednu sjednicu OV, Vijeću na razmatranje dostavi što veći broj tematskih i normativnih cjelina iz Programa rada OV za 2020. godinu koje su dužne pripremiti nadležne službe.**

Nakon izjašnjavanja vijećnika predsjedavajući OV konstatuje da je **jednoglasno (sa 19 glasova „ZA“) usvojen Zaključak i**

***Izveštaj/Izvešće o realizaciji Programa rada
Općinskog vijeća Vareš za prvo polugodište 2020. godine.***

Ad.5.

(Informacija o provođenju Strategije razvoja i unapređenja socijalne zaštite na području općine Vareš za period 2019-2024. godina, za 2019. godinu.)

Predlagač nije imao dodatno pojašnjenje.

Nije bilo rasprave i predsjedavajući OV uz **Zaključak konstatuje da je Vijeće primilo k znanju**

Informaciju o provođenju Strategije razvoja i unapređenja socijalne zaštite na području općine Vareš za period 2019-2024. godina, za 2019. godinu.

Ad.6.

(Informacija o stipendiranju i stipendistima općine Vareš u 2019/2020. godini.)

Predlagač nije imao dodatno pojašnjenje.

Nije bilo rasprave po ovoj tački i predsjedavajući OV uz **Zaključak konstatuje da Vijeće primilo k znanju**

Informaciju o stipendiranju i stipendistima općine Vareš u 2019/2020. godini.

Ad.7.

(Tekuća pitanja.)

Predsjedavajući OV upoznao je prisutne sa pristiglom poštom:

1. Informacija o izgradnji pojilišta za stoku u neposrednoj blizini partizanskog spomen obilježja na području MZ Dragovići-Mijakovići, općina Vareš, broj: 18/20 od 03.09.2020. godine dostavljenoj od UABNOR Vareš i očitovanjem-Informacijom Službe za prostorno uređenje broj: 02/3-2099/20 od 29.09.2020. godine.
2. Zahtjevi MZ Donja i Gornja Borovica broj: 01-09/20 od 10.09.2020. godine u vezi pokretanja i otvaranja rudnika i proizvodnje rude na području MZ Borovica od strane investitora „Eastern Mining“ d.o.o. Sarajevo.

Nakon obraćanja Općinskog načelnika, predsjedavajući OV predložio je i stavio je izjašnjavanje sljedeći

Zaključak:

1. **Općinsko vijeće Vareš podržava Zaključke i zahtjeve koji su navedeni u aktu Mjesne zajednice Borovica, broj. 01-09/20 od 10.09.2020. godine, koji čine sastavni dio ovog Zaključka.**
2. **Općinsko vijeće Vareš će pratiti realizaciju navedenih Zahtjeva iz tačke 1. ovog Zaključka u daljnjem postupku investitora „Eastern Mining“ d.o.o. Sarajevo i nadležnih organa Ze-do kantona i FBiH.**
3. **Ovaj Zaključak stupa na snagu danom donošenja.**

Nakon izjašnjavanja vijećnika predsjedavajući OV konstatuje da je **jednoglasno (sa 19 glasova „ZA“)** usvojen predloženi Zaključak.

3. Sekretar OV gosp. Leon Pavlović u svom obraćanju dao je određene napomene vijećnicima u vezi predstojećih izbora i obaveza vijećnika.

Sastavni dio ovog Zapisnika je audio zapis sjednice.

Sjednica je završena u 16,25 sati.

SEKRETAR

Leon Pavlović

ZAPISNIČAR

Azra Pijadžer

***ZAMJENIK
PREDSJEDAVAJUĆEG
OPĆINSKOG VIJEĆA***

Nikola Šimić